



Republika e Kosovës
Republika Kosova - Republic of Kosovo
Komuna e Prishtinës
Opština Priština -Municipality of Prishtina



KOMUNA E PRISHTINËS

03/69-22

Dt. 04.05.2022

Në bazë të Ligjit nr. 04/L-032 për Arsimin Parauniversitar në Republikën e Kosovës, Ligjit nr. 03/L-068 për Arsimin në Komunitet të Republikës të Kosovës dhe në bazë të nenit 6, paragrafi 3 të Udhëzimit Administrativ të MASHT-it nr. 151/2020 për detyrat dhe përgjegjësitë e drejtorëve dhe të zv.drejtorëve të institucionit publik edukativo-arsimor dhe aftësues parauniversitar në Republikën e Kosovës, procedurat e zgjedhjes dhe emërimit, përfundimit të kontratës dhe emërimit të përkohshëm, Drejtoria Komunale e Arsimit, Komuna e Prishtinës, shpallë këtë:

***THIRRJE PUBLIKE
PËR PËRZGJEDHJEN E EKSPERTIT TË PAVARUR TË ARSIMIT
APO PËRFAQËSUESIT TË KËSHILLIT TË PRINDËRVE
NË KOMISIONIN PËR REKRUTIMIN E DREJTORËVE
DHE ZV.DREJTORËVE TË IEAA***

DREJTORIA E ARSIMIT

Titulli: Ekspert i pavarur i arsimit apo përfaqësues i Këshillit të Prindërve në Komisionin Përzgjedhës për rekrutimin e drejtorëve dhe zv.drejtorëve të IEAA-ve;

Kohëzgjatja e emërimit: 12 muaj, pa pagesë

Qëllimi i vendit të punës: Zhvillimi i procedurave të rekrutimit të drejtorëve dhe zv.drejtorëve të IEAA-ve

Informatë: Drejtoria e Arsimit përkrahët nga Projekti i Ambasadës Britanike për Përzgjedhjen e Zyrtarëve të lartë për të mbështetur trajnimin dhe zbatimin e parimeve dhe praktikave të rekrutimit të bazuar në merita.

DETYRAT KRYESORE TË PUNËS:

- Të sjellin njohuri mbi sfidat, çështjet dhe mundësitë brenda fushës së tyre të pranuar të ekspertizës dhe se si kjo lidhet me institucionet publike;
- Të marrin pjesë në takime, informime dhe trajnime rreth procesit të rekrutimit dhe praktikave për të maksimizuar vlerësimin e të bazuar në meritë;
- Bashkëpunimi i vazhdueshëm me Kryesuesin dhe anëtarët tjerë të Komisionit;
- Konsultim transparent në proceset e rekrutimit;
- Të marrin pjesë në proceset e listave të ngushta duke zbatuar praktikat e mësuara nga brifingu dhe trajnimi.
- Plotësimi i formularëve standard të përcaktuar për drejtues të institucioneve edukativo-arsimore;
- Vlerësimi i kandidatëve për përgjegjësinë ekzekutive në menaxhim dhe administrim të institucionit edukativo-arsimor;
- Vlerësimi i Planit Zhvillimor të institucionit edukativo-arsimor të kandidatëve për drejtues të IEAA-ve;
- Të sigurojnë nëpërmjet kompletimit të hollësishëm të term dokumentacionit individual apo të komisionit që kërkohet në procesin e rekrutimit;
- Të ngritin shqetësimet me Kryesuesin e Komisionit në rastet e praktikave joefektive të përzgjedhjes, çështjet e integritetit, transparencës apo veprimeve që janë në kundërshtim me vlerësimin e bazuar në meritë;
- Të ruajnë konfidencialitetin e duhur të materialeve dhe përmbajtjeve të procesit të rekrutimit gjatë zhvillimit të të gjitha proceseve të rekrutimit;
- Të tregojnë profesionalizëm në emër të Komisionit;
- Analiza dhe shqyrtimi i legjislacionit primar dhe sekondar në fushën e arsimit;
- Parashtrimi i procesverbalit dhe vlerësimi përfundimtar për secilin kandidat;
- Respektimi i afateve kohore të parashtruara në legjislacionin në fuqi.

Kushtet:

- Të jetë shtetas i Republikës të Kosovës;
- Të ketë të kryer arsimin pasuniversitar të nivelit: Master (300 ECTS) në menaxhim, politika publike, arsim, apo të ngjashme;
- Të ketë të përfunduar certifikim në fushën arsimore apo menaxhim (e preferuar);
- Të kenë përvojë në përfaqësimin e fushave të ekspertizës në nivel kombëtar ose ndërkombëtar siç janë grupet punuese, komisionet e BE-së, kontributet për ligjet ose rregulloret përkatëse;
- Të ketë njohuri të legjislacionit primar dhe sekondar të procedurave rekrutuese;
- Të ketë pozitë udhëheqëse (Nivel Drejtori/Kryeshefi, emërim në Bord apo Drejtues Profesionit) në organizatë joqeveritare vendore apo ndërkombëtare për arsim së paku për tri vite për ekspertët e arsimit; të ketë pozitë udhëheqëse në sektorin privat apo publik për tri vitet e fundit për anëtarët e këshillit të prindërve;

- Përvojë pune si anëtar bashkëpunues në grupe punuese shumë-disiplinore – i/e aftë për të sjellë ekspertizë profesionale dhe sfiduar të tjerët pozitivisht;
- Të ketë së paku tre (3) vite përvojë pune në fushën e arsimit për ekspertët e jashtëm; të jetë së paku një mandat anëtar në këshillin e prindërve për anëtarët e këshillit të prindërve;
- Të mos jetë nën hetime nga organet ligjvënëse;
- Të mos jetë anëtar/e i ndonjë subjektit politik në tre (3) vitet e fundit;

Dokumentet e domosdoshme:

- Dokumentet personale (certifikata e lindjes dhe letërnjoftimi);
- Diploma e fakultetit të kryer për nivelin e kërkuar të kualifikimit;
- Dëshmi e përvojës së punës në nivel drejtues/pozitë udhëheqëse;
- Certifikatat e trajnimeve në fushën arsimore të licensuara;
- Certifikata/dëshmi të trajnimeve në zhvillimin e procedurave rekrutuese;
- Certifikata e regjistrimit dhe letërkonfirmimi i organizatës në të cilën bën pjesë;
- Dëshmi të përvojës së punës në fushën e arsimit;
- Certifikatën që nuk është nën hetime nga Gjykata Themelore;
- Deklaratën nën betim për mospjesëmarrje në aktivitetet politike në tre (3) vitet e fundit;

Mënyra e aplikimit

- Data e shpalljes së Thirrjes Publike 04.05.2022 deri më dt. 16.05.2022
- Aplikacionet merren dhe dorëzohen në kopje fizike në Qendrën për Shërbim me Qytetarë në objektin e vjetër të Komunës të Prishtinës;
- Në aplikacion duhet të specifikohet qartë titulli i vendit të punës dhe dokumentet e bashkëngjitura aplikacionit duhet të jenë kopje dhe nuk kthehen;
- Aplikacionit duhet t'i bashkëngjiten: Kopja e letërnjoftimit, kopjet e dokumentacionit të kualifikimit, përvojës së punës dhe dokumentacionet tjera të nevojshme të kërkuara sipas kushteve të Thirrjes publike;
- Thirrja publike mbetet e hapur 8 ditë të punës nga dita e shpalljes për pozitën e përmendur;
- Aplikacionet e dorëzuara pas afatit nuk pranohen, ndërsa aplikacionet e mangëta refuzohen;

- Kandidatët më të suksesshëm detyrohen të marrin pjesë në trajnimin që do të mbahet nga Projekti i Ambasadës Britanike për Përzgjedhjen e Zyrtarëve të lartë për të mbështetur trajnimin dhe zbatimin e parimeve dhe praktikave të rekrutimit të bazuar në merita.
- Inkurajohen gratë dhe anëtarë/e të komuniteteve joshumicë të aplikojnë në parashtrimin e kësaj thirrjeje publike;
- Për çdo informatë plotësuese mund të kontaktoni Drejtorinë e Arsimit, rr. Andrea Gropa, nr. 40 , telefoni: 038 231 870.